

KA.nr.871/2013

DPK/OMP	03-3742/13
01	06.11.2013

GJYKATA E APELIT E KOSOVËS, në kolegjin e përbërë nga gjyqtarët: Biljana Rexhiq, kryetare e kolegjit, Ragip Namani dhe Ramiz Kuqi, anëtarë, me pjesëmarrjen e bashkëpunëtores profesionale Lirije Maksutaj, duke vendosur lidhur me ankesën e të pandehurit Arsim Naim Ibrahim, nga Prishtina, paraqitur kundër aktvendimit të Gjykatës Komunale për Kundërvajtje në Prishtinë, nr.regj.24890/2011, të dt. 29.03.2012, në bazë të nenit 31 al. 3, 39 dhe nenit 221 të Ligjit mbi Kundërvajtjet, më 07.08.2013, morri

AKTVENDIM

NDRYSHOHET aktvendimi i Gjykatës Komunale për Kundërvajtje në Prishtinë, nr. regj.24890/2011, të dt. 29.03.2012, ashtu që ndaj të pandehurit Arsim Naim Ibrahim, nga Prishtina, konform nenit 198 al.1 pika 7 të Ligjit mbi Kundërvajtjet, PEZULLOHET procedura për kundërvajtje, pasi që është shkaktuar parashkrimi absolut i kundërvajtjes.

Nga një kopje të këtij aktvendimi duhet dorëzuar palëve.

Arsyetim

Kolegji i Gjykatës së Apelit-Divizioni për Kundërvajtje në Prishtinë, duke e shqyrtuar ankesën e të pandehurit, aktvendimin e goditur dhe shkresat tjera të lëndës, e duke mos u lëshuar në vlerësimin juridik të tyre, konstatoi se kundërvajtja e cila i është ngarkuar të pandehurit Arsim Naim Ibrahim është kryer më dt. 22.03.2010, kështu që nga dita e kryerjes së kundërvajtjes e deri në marrjen e këtij aktvendimi më dt. 07.08.2013, kanë kaluar mbi 2 vjet, prandaj në rastin konkret është bërë parashkrimi absolut i kundërvajtjes së kryer, pasi që sipas nenit 27 al. 4 të Ligjit mbi Kundërvajtjet parashkrimi bëhet në çdo rast kur kalojnë dy vjet nga data kur është kryer kundërvajtja. Prandaj në vështrim të nenit 198, al. 1 pika 7 të Ligjit mbi kundërvajtjet PEZULLOHET procedura për kundërvajtje ndaj të pandehurit Arsim Naim Ibrahim, nga Prishtina, për shkak të parashkrimit absolut.

Në vështrim të nenit 221 të Ligjit mbi Kundërvajtjet u vendos si në dispozitiv të këtij aktvendimi.


Kundër këtij aktvendimi nuk është e lejuar ankesa.

GJYKATA E APELIT NË PRISHTINË

KA. nr. 871/2013, të dt.07.08.2013.

Procesmbajtësja

Lirije Maksutaj



KRYETARIA E KOLEGJIT

Biljana Rexhiq